



Kavamatkunnin Tuhaqtitaudjutikhaq

Irninikkut havagutit nutqaqtitaullaktun Kangiliqnirmi, hingaijuni munariniit aulahimmaaqtuq

Aullaqtiqvia Ublua: August 4, 2020
Nutaqarvikhaa Ublua: August 30, 2020
Kangiqliniq, Nunavut

60 sec

Aanniaqtailinikkut Havagvik uqautiliqtait hingaihimajun Kivallirmi aallanguqtirutinik ukununga irninikkut havagutini Kangiqlinirmi, pidjutianin ajurnarhivaktunin havaktikharhiurnikkut irnijunun ikajuqtinik Nunavunmi Kanadamilu.

Tuhaqtauqaaqtinnagu, irninikkut havagutit nutqaqtitaullaktun talvunga ihariagijaujun havaktikhanik amigainninginnik pihimalirninginnik.

Taimaatun irninikkut havagutin pilimairutinginni Kangiqlinirmi, hingaijun Kivallirmi ihivriuqtauniaqtun taimaaluu, tunnganiqarutainni nakuutqijaujuni qanuriliurutikhani, aullaqtitauniaqtun Iqalungnun Winnipeg-mulluunniit irnivighanun.

Hingaijunun munaridjutit aulahimmaarniaqtun aallallu taaktiit ikajuqtit ukuallu hingaijunun havaktiit uvani Qikiqtani Aanniavingmi ikajurniaqtun ikajuutini munarinirnun hingaijunun Kangiqlinirmi.

Aanniaqtailinikkut Havagvik havaktut tunihinikkut irnijunun ikajuqtinik ukuallu irnilihaaqtunun/mirraanun aanniaqtailinikkut havagutini Nunavunmi tadjalu ihivriuqhiliqtun qanuriliurutikhaniq pinikkut pihimanikkullu irnijunun ikajuqtinik aullaqtiffaariangani irninikkut havagutinik qilamik.

###

Tuhaqtitaujukhanun Uqarvighaq:

Chris Puglia
Atanngujaullaktuq Tuhaqtipkainikkut
Aanniaqtailinikkut Havagvia
867-975-5949
cpuglia@gov.nu.ca